

中國方志叢書·華北地方·第三五一號

據清·蘇履吉修·曾誠纂
清·道光十一年刊本

影印

甘肅省

敦煌縣志

(全)

成文出版社有限公司印行

sk339/08



10098518

中華民國五十九年 月壹一版

敦煌縣志

全一冊

發行人：黃 成 助

出版者：成文出版社有限公司
台北郵政信箱二二六〇五號

台北郵政信箱二二六〇五號
台北市羅斯福路三段279之二號
電話：三三〇一三二號

印刷者：東南印製廠有限公司
和平西路二段70巷83弄29號

內政部登記證內版台業字第一一四七號

道光辛卯春鐫

敦煌縣志

本衙藏板

敦煌縣志序



往余宰粵東之澄邁海外
巖疆也甫下車披閱邑志
脩於康熙四十九年蓋百
有餘歲矣因思重脩以補
其闕維時洋氛未靖戎馬

之餘他務未遑泊乎嘉慶
己巳環海肅清四民安業
亟與彼都人士參互考訂
業已漸次就緒復以卓薦
入

都未獲授諸剗剗萬里通潮

至今猶耿耿也茲觀
九齋年兄敦煌縣志見其
稽古之勤任事之勇有足
多者敦煌為河西四郡之
一而今之敦煌即昔之沙
州前沙州衛志附入肅州

志此志雖創而仍因然前
志畧舉大綱自改衛為縣
越今七十餘年其間在官
在民風俗與化移易苟非
博採旁搜無以綜古今而
臻大備此縣志之似因而

實創也且夫人服古入官
豈惟是耽吟哦棠藻飾詡
為淹貫之才云爾哉必將
徵文考獻會友輔仁萃遠
近之嘉言懿行勒為一編
覽者感發而興起斯善教

得心方有合於古之作者
耳九齋此志其於建置沿革
革諸條考據詳明能補前
志所未及稽古可謂勤矣
而德行道藝靡不顯微而
闡幽越四月書成捐廉俸

以付之梓其任事亦何勇
也吾知家絃戶誦見賢思
齊敦邑之士習民風蒸蒸
日上有以仰副

聖朝作人之化矣夫敦煌之隸
於關外與澄邁之隸於海

外均邊境也廼九齋則能
藏其功而余未克竟其業
撫今追昔竊幸珠玉在前
與有榮施也是為序

道光十一年歲次辛卯仲
春下澣

賜進士出身翰林院庶吉士


誥授中憲大夫甘肅分巡安肅

等處地方兵備道加三級

紀錄五次曲沃通家弟蓋

運長拜撰





敦煌縣志序

余自戊子春西域從戎歸
道經安西時
九齋刺史權安西州事相
見之際欣然道故迨庚寅
四月余忝牧斯土而九齋

以敦煌邊俸未滿仍回本
任今春九齋以所脩敦煌
志書請序於余余詳加披
閱序事則簡而明考覈則
精而約稽古有典論今有
方誠著作才也夫敦煌為

關外名區安西亦屬古敦煌郡此志之脩志一邑也即可因是以志一州客歲仲秋西域逆回復行蠢動余安西最當衝要九齋令敦煌挽粟飛芻奔走牛馬

共襄厥事余以軍務旁午
日昃靡遑九齋游刃有餘
猶兢兢於縣志一書創然
脩舉足徵吏治之暇不忘
學問余昔癸未通籍後筮
仕來廿九齋時已膺鉅邑